

17.25 CONTRASTS SIN SRF 1

Giuventetgna e corona – tranter lungurella e depressiun

L'onn da corona ha pretendì bler da la giuventetgna ch'è en ina fasa da la vita, nua ch'il sa barattar cun collegas, amis ed amias è uschè impurtant. Co vai cun giuvnas e giuvens? Psichicain, en scola, en l'empredissadi, a chasa?



Cun questas dumondas essan nus ids a Glion tar scolaras e scolars dal Center da formaziun Surselva, a Scuol tar in emprendist che stat curt avant l'examen final da cuschinier ed a Ftan en la classa da sport da l'Institut Otalpin. Co han ellas passentà quest davos onn? Sin tge han els stuì renunziar, tge siemis e tge finamiras stritgar? E cun tge sentiments guardan ellas ed els en il futur? Sper giuvnas e giuvens raquinta era Reto Mischol dals Servetschs psichiatics dal Grischun da sias experientschas ed enconuschientschas da l'onn da corona. Il schefpsicolog en la partiziun psichiatria d'uffants e giuvenils ha constatà in augment signifitgant da problems psichics tar la giuventetgna en il Grischun.